

靜

嘯

齋

存

草

靜嘯齋存草

卷之十

寒竿草之五

爲若木壽其冊至贈范含伯計七十八首

靜嘯三存州卷之十

西吳

董斯張遐周市著

韓曾駒人穀甫訂

爲若木壽其母張令人七十

冬日燠如春日晴請呼嫠女爲長庚小人同爾有賢
母東魯祇今聞兩生晞髮詎殊九臯雀侍餐還上五
侯鯖蔡卿富貴吾自有無訝此兒猶不鳴

半松閣贈法孺沙彌

涼颼曾就夢邊吹倚閣蒼虬隱現時莫謂一鱗秋雨

足鶴巢猶在最高枝

代少年看閨人闔草四絕句

百種春香散綠蕪今朝闔勝昨朝無
贈嬾青鏤江淹管何事遙偷謝客鬚

其二

揀遍梁園碧玉叢女郎誰肯殿春風
一莖拈得應微笑丈六金身在此中

其三

妃中第一草無雙虞美人兮艷一江
覓得寄奴求與

賭肯留狂客著紅窗

其四

無情草自闌離離碧袖初盈蝶未寬
莫遣晴春有間日梅花落已笛中吹

訓外舅屠庚翁同若木夜泊見懷之作次韻二首

風期真不負童子候豁程携伴較雲寂
入晨仍霧行茲嶽當日賞河漢幾人傾
盡許蠲苛禮將無懶益成

其二

半途漁漁黑林隱不諳程辛苦遲君意翻如乘雨行
睡當茶欲破心指月齊傾夢理茲應折膏肓賴未成
外舅庚翁同若木見訪偕長文孟樸君輔分得
寒字

蕭晨暢清對要久晤成難縱復夜仍雨自然忘我寒
無殺歌季女斗酒憶長安更理湖橋約重來指一彈
又代小史分得江字

不臥繁華社觴飛祗北窻藏鈎纖手法說餅夜寒降
翠油人凭檻紅梅昨到江豈令幽事懶礪碧正淙淙

贈小史二首

江頭未必有芙蓉寫得烟姿好伴儂記向方諸官裏
見秋乾香海夜還逢

其二

練裙痕滲墨花初玉案何能一報渠便是青童馭鸞
去不忘頻寄上元書

寒夜姚叔祥見訪先是庚翁外舅若木適至同
長文孟樸陳校書小集分得人字二首

扣門呼酒憶前塵玄味纔知老更真心到最歡浮一

石客來不速偶三人夜飛錦句驚初日花在溫鄉認
早春未許歸帆催小鳥石尤風豈弄珠神

其二

君留祗爲相知舊添一相知樂勝新鏡裏見三千丈
髮室中有十二年人語如庭月當心出韻借江梅鬪
鬚頻預作春風來歲約酒壇儘可著閒身

戲詠鴛鴦粟四首

莫是連枝種不羣陶家覓得倍殷勤無情睡熟秋山
雨羅列行成幾樹雲懷子日如雙戟翼贊姑中有合

歡文擬將撰入雕梁裏生怕當前頸乍分

其二

行行只今宿香渠化作黃蛸抱殼居心比斷金緣利
後色驕連玉試蒸初雙拳鉤弋夫人並對偶吳興僕
射疏裴袖喚郎猜更怯那能聞一便知餘

其三

葉底雙栖抵偶然幾曾飛慣蓼花天猿偷盡了頭猶
並鳥啄閒時夢未圓結處那尋前後際摘來已帶合
離緣從今不用裁文綺以此投君更可憐

其四

何如二叟橋中時偶雜薪間酷肖之只在一巢看不
見未曾分伴剖方知葢珠宮裏輕寒共太液池頭艷
影疑趁個紅鱸應乞取雙心爆出笑來窺

韓仲弓居山詩二首

山不少緣郭考槃茲獨餘林黃村罷獵礪碧石辭漁
桂樹還招伴梅華亦映書預愁妨霍夢文字習難鐫
其二

日在山在臆妬君雲作身一丘一壑處不惠不夷人

城月到崖巽谷樵嫌鹿馴深知通隱字悞殺問花津

壽外舅大司空沈公詩三首

小序

癸亥秋公以三品滿北覲是冬拜大司空攝
戎政乞假里門七袞初度實在季夏外姑查
夫人亦以是歲五月稱六十九矣政府朱公
宗伯溫公咸序公保滇績爲壽甥斯張系之
以詩

家授魚鈴走百靈

先公王陽先生曾亞司馬贈兵部尚書

仍聞杜預獲

橫經然藜太乙三山月

公先視闔學政

吼雨鳧池七劔星海

定坤維通益部天留半壁報彤庭合輶更有入偕老
賜得歌鐘好共聽

其二

石城奏績紫官辰桂月方懸滿字新滇海一清臣似
父介圭初覲帝如神日當在柳官仍夏壽怡齊
眉酒代春試映壺冰慙不了閒居未現種花身

其三

晉秩初聞帝語溫璇天賜假暫谿村快憑擊楫
澄江手去擁高牙大纛尊庭玉分觴同壽母袋魚割

紫及曾孫橫身宇宙誰公似日觀還誇北斗捫

次韻溫宗伯癸亥除夕之作

甲子

烈闕書徵逼歲除東山雲月望寧虛補天好手無多
讓破浪奇懷儻亦如君秉禮宗誇玉藻我箋詩義得
春鋤年來百事都非昨賦就閒情或有餘

次韻溫宗伯甲子元日之作

氣奪詩雄又一新情隨年少孟陬辰隔春殘雪晴猶
在今日溪花放漸勻大澤高山常入夢朱門蓬戶總
成真我歌多忝須公出恒雨恒陽足討論

范長倩叅藩住山數年初有掌珠之喜却寄

挂冠神武如方瞳筆陣雲間聞兩雄曾雲正爾有結
構明月可以開心胸烏烏歌罷巢乳燕鳳鳳琴殘日
送鴻亦知同學三宰相不買天平山一翁

長卿宗伯復有麗什見訓再次韻走和

興如霜草未教扶颯颯蒼髯半就枯好句難成眉上
月新篇忽解髻中珠春纔七日梅爭發氣動初蘋蕙
不孤若到京華應憶我煙汀漁釣漸無徒

繹溫伯前什有出處維谷語太公殊善飯宜

早出三詩勸之

晨裝燕路先鴻鴈人日初晴穀日和縱是不貪靈壽
杖還須一寢鳳林戈弄孫況足含飴樂將父誰煩集
羽歌却笑爰居駭鐘鼓長天拭眼阿鴻摩

其二

五城靄紫曲江池遲爾瓊筵一訪疑宗社靈長黃髮
壽明堂雅頌白華詩幸哉有子今如此豈若吾身早
見之直使青雲千呂後拂衣未老獻霞巵

其三

勸駕聊同曝日云從來亦解悵離羣庭闈命子唯酬
國巖壑招朋未許君正好說詩尊漢相不妨後閣着
朱雲太平十二子無策茅屋神寒借上聞

記夢中句

散得石上花月碧不成暝及與歸鳥歸谿流到門靜

東張泰氏

春寒頗復肯照雨燈若醉強項不着絲筆掣頓妨臂
稍歡庭際梅遲吐有深意呼兒讀漢書臥聽藝文志
此中解者誰嚶鳴適林次聞君放生後巾濕西禪寺

十爪禮石幢雪茗淪靈肺晚及僧話歸到家亦何事

春日寄張伯陽并示嚴慧二開士

家人促且再除夕仍寺樓寫經數十行凍指課似譬
一衲相與商遲旦將放鳩猶苦魔力勁截渚多沈鉤
生爲萬物齒願同千聖憂稔知春陽心可與窮達謀
我語靜中得仁者呼爾不支公何夷然神駿方所求

客有謂余病良愈當北遊者

終日飲酒不五合半盃晚稻裘烏納偶然隔得戲魚
帖禿半中書過殘臘我狂欲醒君勿譁草堂得意春

青陽先生集卷之十一
無涯藥鑪漸熟文武火菜畦雜綴金錢花簪當早抽
錢早棄不如枕書兀兀睡往時天下殺英雄薪蠟空
教奴輩利

春日得朱少傅相公手書兼致大貺寄謝二首
元臣領史天章重錫馬曾經晝接餘文武家風姬旦
禮古今人表孟堅書星垂上將懸中斗嶽到高山俯
石間獨有孤生寒似竹也煩槐鼎問何如

其二

二月餘寒雨未晴瓦鐺石火煮黃精崔從日下傳書

慰錦賚天孫照眼驚不負萬裘酬夙志宛如三揖費
逢迎儻然病起應西笑翠樹惹青賦擬成

飛英塔院尋友

輕舟西問君未敢負春雲先我求茲寂逢僧接所欣
麾斜承塔影鐙暗近鑪芬猶有著書癖余將覓舊聞
朱漢卿携榼觴我峴亭下同錢美祖趙長文舟

中集

醉不在湖上春游良已虛而徵好事者旋理午風餘
柳黛俄驚電

是日雨電

灘黃少下漁賞茲雲物變小海且

精廬

茗上喜晤錢美祖

村墅濶轉久有懷無不知服奇仍取蕙饑療乃歌芝
湖出當年碧舟說一日期營營竟何獲爾我儻非癡
不見丘叔遂十五年矣春日與志公見訪長文

同集

燈事忽焉盡方人殘遲苦不嫌泥雨後言趁衲僧來
語惟聶無日遊從漠適回情癡重舉似快雪動餘哀

叔遂爲馬湖
之先小文

寄訓韓人穀二首

十里匡山色逢君藏不能翠微流水句前劫住庵僧
筆墨真無礙飛潛亦偶乘儻容游屐繼勿剪澗邊藤

其二

谿雲淨於掃林寂籟初吹壁月照人夜尺書遺我時
涼涼遙渚棹落青冥期所以晤君意山靈應或知

春雨

未有意能敗竹窻如在林夕香分草夢春紫到闌心
脉脉故人雨遲遲鳴雀陰燕來何不早似惜落花深

白雀行贈周虞卿

有小引

虞卿乙丑春七袞矣昨三千里謁里中相公
遇殊厚比其歸猶慨塵余哀其老而窮愁爲
作白雀行吊之昔人以青蠅吊往今以白雀
吊生試令樵青作淚粧歌一闋老周郎當十

頌古

白鶴雲愁墜江面燈前吹盡梅花霰但見蠨蛸當戶
織紫錢滿庭沾不得寸田尺宅春茫茫七十老人歸
白傷往年眠雪幽州市丞相欸扉屏掾史高軒却自

朝天至醉魄如山搖未起有脣那學君卿癡五侯何
物絳雙眉歸來解裝諸女問老骨虞鱗凍堪忍囊携
河上一編書寒衛馱還不曾損楚萍泛雨命若煙偷
兒猶妬王家毬夢回劒折夷門道俠客精魂道邊草
石頭鍊出穠華天桂薪剛遣侏儒飽漁簑壓船當敝
廬只網珊瑚不網魚鮫人寫淚一萬點化作金膠青
玉盤幅巾斜聽黃鸝晚

乙丑秋熱苦旱作俳諧體廿五韻

淫霖方昨嘆旱魃復今謠矯枉何其過含生忍再凋

庭樞看葉卷池藻畏莖憔悴熱雄銷骨繁憂坐達宵

僧嫌茶施盡僕苦浴薪饒炙手嗟無避層冰想竟遙

枯樛聲漸燥盆盎滓如潮舊井皆逢漏沿林秣給樵

鳩喉全塞兌蟻穴懶遷喬

俗傳蟻遷穴則有雨

出市霞無信

諺云

如霞不出市

彎弓月可描

諺曰月似彎弓少雨多風

星非名士聚雨似

大夫招淺港乾菱蔓蔬園臥豆苗稻泥龜兆圻桑蔭

火雲燒禱社驅巫覲迎神列鼓簫楊枝童子首

即禱雨

諸童子以柳枝

蟠首二步一非角帶縣官腰

開令公曰

禁殺偷懸

開渠議買鋤未容愁蚌脯直慮起蝗妖城閉難呼鑰

溪行不要橋曲占魚骨喜

俗傳魚骨出則有雨

尖怕燭花搖

俗傳

燈花尖則天晴

米價踊中鬴民腴消更消斷炊鄰嫗瘠過羅

富兒驕枵腹誰能忍採丸恐或挑汗邪求半活霖霖

望崇朝此者租庸急空思惠澤邀傳聞珠足採

水洲甚數

十里間多割蚌者往往得珠

吾欲緯江蕭

題李長蘅畫三首

層嶂倒如楓赤茂林翻寫螺青却憶廿年前事武夷道上曾經

其二

摩詰擎來世界驚爲格外之談不見管丘潑墨苦牋
一片江南

其三

花任天風吹老鳥從日莫忘還碧潭寸寸秋色何妨
置我其間

壽朱少師相公七袞

公張辰當元日

謖謖風澄百尺松獨持經術補山龍北辰玄默尊魁
柄東序清嚴列大鏞天永能忘新事業帝方延

佇舊勲庸謝家羣玉紛爲壽咲語王正恰相逢

其二

何似靈光魯未傾，歸然元老贊昇平。
致身如此心彌下，報國歸來力尚贏。
日借趙衰春倍暖，霖求傳說旱無驚。
絳帷況復霑河潤，試出新歌和早鶯。

寄沈彥威駕部兼柬孔璋

誰嫌落落臥雲餘，不遠君家隔敝廬。
梅瘦尚香何遜句，石奇仍滲米顛書。
纔知魏闕通高隱，自檢垠函證太初。
近得惠連頻晤否，夜中綈雪已盈除。

于昭彥至得修微金昌書

江蘋碧如許雁路去應深訊及曾來客彌生初別心
水天帆一點香雨樹雙林賴得歸猶未經旬結晝陰

見吳門徐元歎詩却寄

亂頭坐爬搔携我忽青靄鴈山五百里飛瀑吹人帶
適是吳會吟一吟一思拜識渠落想處只與修竹對
楚風今快哉江左導靈派那緣熱惱境清冷拂高簾
驟令寒暑幻真有神物丐露夕發蟲寐秋燈結花太
孟樸見過小齋夜集聞孟樸艷詩

雨苔綠踰月觸眼少成歡人在句中盡天於離後寒

坐深溪柳臥春往砌花單吳會浮雲滿予懷遡逝湍
送長文之鍾離兼柬唐宜之別駕

說貧殊不惡饑寒乃知難遊亦在濠水囊猶餘墨丸
遙知傲吏見真作故交看近狀吾差慰清齋但壁觀
壽宗姪心齋

居士吾宗真靜者中年白業效毗耶卽看眉壽人同
隱况是肩隨子克家庭謚祗傳繁露草尊清長擁拒
霜花余方近市慚平仲從汝湖湄覓釣車

睡鸚鵡同韓人穀

籠開花寂晝偏長
魂倦猶依隴樹
翔調罷禿衿嬌未
起
啄餘紅粒
慧還藏狸奴偶過
渾忘怕燕子頻挑
愁
自忙恰值漢官招
女伴幾多心話起
商量

蜻蜓撲火和陸嗣端

其柰輕身觸焰何
曾飛上下弄清波
似逢歸燕投窻
疾將認流螢逐伴
訛驟使雙珠沾蠟
膩偏驚左翼掠
花多脫纓剛喜機
緣巧碧袖明朝染
似他

鳳鳴寺訪林公

市聲遠不來
秋鐘鳳鳴寺
餘花動羣鳥
古苔寂深翠

此中衲子清蓮魂游戲旁作形家言茗甌談倦坐斜
月鐸龍奏風青憂憂歸船門外停涼煙舉手謝師船
次睨

舟中蟋蟀二首同孫孟朴韓人穀作

一葉歲亦好不如庭草深飼求菱角便躍近釣簑尋
隔渚人携鬪游魚夕候吟兒童苦相索彼岸九秋心

其二

嚶嚶自有託何意雜潺湲一種夜涼聽已殊寒砌間
纔移籠未穩帆息訴難聞估客纔無寐情於歲暮聞

寺中猿同孫孟朴作

漸向老僧熟禪扉仍晝扁住帝如聽梵掉臂戲繡經
未便騰林竹常思撼塔鈴不眠非習定影亂佛燈青
秋日夏長卿戈行可同修微過訪作

午鷄才破睡料理藥鑪餘快挹翛然侶疑繙未見書
洞庭秋不盡霽色定何如北客征期峻扁舟事詎踈
丁巳晤于昭彥於雙徑今乙丑相遇別逾八年
矣小齋畱集喜賦一首

正月凌霄峯上雪千秋句曲洞天人歲華誤客真容

易朋友聯袍亦有神
桐徑掃花畱夕語
桑鳩喚雨頻
晴春緣君領得麻姑耗
幾日松齋共擘麟

閔子京湘煙錄歌

豎儒耳學矜榆枋
索馳馬腫皆其常
墨守師說堅若
燭不覩若士遊
忽荒手捲蛤蜊雲
中翔閔生憤此
嘗欲張青露晨飲
火棗糧綠圖紫書
盈緹緗鉛摘油素
窮三霜彼姝者
孫抽七襄玉爲燕
尾錦作囊
丹藥之屑金壺漿
藥淵龍燭騰九芒
熊熊魂魂天柱旁
神姦夜嘯寧敢藏
花源詰屈迷漁郎
白鸞尾掃空煙蒼
煩

清
惱爾燄層冰涼誰云醫俗無有方山河作舞清琴揚

數得閑康侯所假書忻然有寄廿六韻

秋暑苦灼人簟息不曾帽竹樹都欲然快雨適相勞
遽看市塵洗轉欣田黍膏倦呼丹丘芽詎羨萼絲毫
好青頃西來字字慰幽蹈蘭緘粲然啓珍于鼎納郤
卮言雜俳諧莊語儼墳誥玄搜則抽蘭迅步乃飛瀑
我硯蕪不治舊聞猶減竈俗諱三鱸講家愁五特耗
借書竟何門賃作非所懊學海擬杭之溟滓歎誰導
慙余藿食者忽有弦商犒味如投釀均心無入宮嫺

朝醒獲柘漿一讀起聾聵永光良不遺瓊華絕稱報

吾兄宿讀流藝場建雄纛神穎標綺年殖學壓耆耄

小宋殊磊磊

謂子京

小阮仍浩浩

謂生甫

架籤時互掣絃

軫必齊操相賞松石間微言輒窮奧蘭叢芳屢振玉

積輝彌到析疑曠絲疾卜宅銘余好富貴浮曲肱久

識靜若躁山栖君昔詠水樂余非傲深有靈嶽荆汝

領耻空告

吉水謝君鶚過盜吳中經年不獲歸贈之以詩

常翻游俠傳驟使恩讐深未能代君謀歸泪南浦陰

天爲群貴人雨却千黃金敝裘命才士焦尾必異音
賁亦賁盜糧懷璧往所箴吳昌十萬家一無淮姬心
欲寫廬陵圖傍挿古劒鐔圖以慰羈魄劒以激豪吟

壽張稚通七十

吳興文獻紀稍見峴山書此事君爲政令人憶古初
詞尊前輩法俠耻少年疎莫以老人老王門仍曳裾
題伯念兄贈姚叔達畫

何來玄覽齋中筆不異芸暉閣裏人寫與茶山山水
土釣舩載却賽茶神

北人有俠而隱者贈之以詩

丙寅

華頂臥蓮花到天不盈尺欲攀若木枝金砂安足食
弘時報恩劒滲血掛蘿壁生事付兒曹楚漁竟誰覓
題張仲美暖月阿二首

丁卯

吳質不成眠錢后醉客天桂輪春夜夜花靄白娟娟
未凍偶焉雪非秋何處煙此中樓百尺臥下也蕭然

其二

太古無肅殺空明常藹如伊人有玄會持此額樓居
涼吹一窻隔清暉閑坐餘眷言同賞處隣曲或容余

洞庭張仲美姜文載過訪留集同張宿明

中田將課穫雨氣及冬初適快經旬霽欣逢二客如
尊秋動高詠山翠落貧居亦有愚公興移之計不踈
送紀宣符入建安訪仲子復明府遂有幔亭之
游

窮村伴吟唔石燈點秋壁彈指廿年許章甫越中適
余廢君復艱文債逃無策君初未有子高禰禱晨夕
多兒更爲累中饋頗貽謫將尋武夷君延賚玄金液
豈惟陶靈風先以脫饑籍臨邛况舊雨訪故試停輓

褚公備四氣百里暫紆迹紅泉或方舟丹寧且偕展
覓余往游處題字想苔積結佩懷蘭丘嘉微惋驚翮

寄韓仲弓

傳聞長谷先生宅亦有潛龍卜此開天在高寒真不
夜雲橫窈窕似無山語從雙徑拈來用門向三人影
處開却訝一塵銷未落狂生百里借書還

閨觀我五十初度壽之以詩得十四韻

山隣孺子青渚映桃花綠不墮纓冕素早鄒章句
瓊笈艷遐年靈蘭研秘籙戲揮活人手醪液救鄉曲

余生乖攝衛狂駭類奔鹿中歲似尋微豈可呼丹伏
泥雲無隔逕琢珞迺還樸語君爲首肯此諦得仙肉
時時奉顏笑繕性鷄而木吾自適吾天轅下血局趣
四十九年餘達觀洞無欲好生及豚魚樹藝先杞菊
逸妻良耦鴻註嗣都成鶩杯前鸚鵡舞金波乍當屋
錢塘王邑侯太夫人祝言

北峯自言巍不如明府標西湖自言清不如明府操
漁火斷宵渚雉影娛春臯競遊長日中姬育經不調
邇源以求之賢母維甄聞服義飭煒彤監節度驚濤

棘梅有均愛，滌髓無輟勞。茹荼四十霜，終獲象服褒。
欣茲觴大耋，振輿馭晴飈。百里領神君，可以爲僊韶。
友人春游洞庭，風阻潯水，詩以招之。

湖冥碧，何處帆臥閒。如人客憐山，梨花十樹九樹貧。
更爲梅也憂，山情似非倫。境孤賞斯注，遇晚心必勤。
寶書入吳苑，奇蹟春泯泯。齋前掃徑石，每帶苞山雲。
攄懷亦有酤，迺喧猶有文。始傲毛仙翁，晚于余見君。

贈范舍伯

清遠東南歸雪上，斯人生適在其隈。披圖欲與怒先

出對酒都如中散
顏蕙帳未曾教
霍怨竹門不敢
出
山開五男況有
柴桑樂裘馬輕
肥陋矣哉

靜嘯齋存草

卷之十一

詩餘

附

清江紅至驀山溪計三十九闕



靜湖先生存艸卷之十一

董斯張遐周甫著

西吳

韓曾駒人穀甫訂

蒲江紅一闕

并小序

從嶺南來者恃幅紙贈潘君上有印一相傳
土人於江濱拾一鐵章識者辨其文爲壽亭
侯印四字持以辟瘡多愈者漢壽縣名用修
已訂之壽亭侯里巷語耳且季漢時寧有文
移俗篆耶第昔人誦杜詩尚可愈瘡歸命明

神靈通白格實有是事壯其神異爲拈一詞

以寄忠憤

氣壓中原卯金鼎星迴天掣熊羆帳春秋一卷大江
吹雪白馬解圍留不住紫髯乞婦冠衝髮看侯章生
氣涼千秋降魔鐵○荊州土吳兒孽白衣櫓書生滑
歎啼鵑蜀道碧秋如血心在人中真不死日懸天上
光難滅笑孫權化作秣陵煙江空咽

如夢令

寒燈

前夜碧池風緊劃斷塞鴻殘陣爐掉半山雲搖曳短

紫將隱紅暈紅暈做就蠟梅花印

長相思

冬夜

酒闌珊與闌珊褰袖摩琴不敢彈一燈相對寒○握
雲鬟亂雲鬟低背屏風卸玉環影兒還好看

醉花陰

五日贈內

碎綠橫谿鶯舌嬾乍見朱榴展囊錦刺宜男汗裏冰
綃樓下銀鈎捲○雙成把酒低低勸量莫些兒欠青
案瑟初調續命絲纏撮個鮮梅撚

繡停針

張孝祥作
贈內

青
夕雨後照一殘紅燈菊影微亞風快如刀驚颭竹窻
何處短亭班馬墨卿圖霸空冷盡酒壇茶社老天也
似憐儂眼前玉人如畫○功名一唾者好共伊料理
琅書一架鍼繡初停閑作佛奴不枉謝家林下芋頭
燒罷直舉似草頭遺話藕花世界那時紫鸞雙跨

漁家傲

雪夕

修竹青青渾不見憚人庭下梨花亂一夜顛風吹未
斷傳針晚硯池水合琉璃眼○閃入紅樓狂蝶戰蕭
蕭打却窻紗遍雪也多情還等伴鴛衾短香奩怎賽

人兒暖

憶秦娥

私語

歌桃葉今宵償得前宵業前宵業聽厭晨鐘願成胡蝶
○夢中腕玉輕輕捻春芳如此生拋妾生拋妾惹
老蘋黃不多時節

海棠春

本意

清明做盡東風酷斜雨後睡殘新浴扶出阿環嬌暖
就臙脂玉○簾半映殘鶯啄魂斷處將開未足小院
倚紅闌欲替江妃哭

春雲怨

留落海

谿橋解凍乍小園風隄雪梢微動可惜月明如昨漸
少霓裳人受用拜倩東君寄聲青鳥訴向花神好珍
重拂水斜枝長教伴鶴休唱渭城送○留伊照破繁
華夢便班行姚魏瑤芳誰共忍曳仙裙赴歌鳳素手
亭亭玉笛誰家任渠孤弄交甫情癡沈郎春怯攬住
冰魂一縫

鵲橋仙

代寄修微

夢咽金屏推轡箏雁閑坐孤山香雨水仙祠畔那人

逢剛認做梅花一樹○楚客秋招魂粘葉去曲罷湘
靈無語小孤山占大孤青問何似西泠舊路

踏莎行

夏日閒居

遊歇甜鄉簾紋冰皺摩娑眼角呼泉漱蕉窻一帶逼
空青如逢故客湘川舊○瓦鉤鳴秋蜜龍烹就清涼
福聚閑人受溪邊小步闌風斜柳絲碧罩漁汀瘦

菩薩蠻三調

閒情

霎時喚去留無策慈悲雨點爲媒伯行不得哥哥其
如泥滑何○紅鸞還照我不怕伊家躲祝語到天明

一春無日晴

其二

君還不到春將去君歸無處將春補
梁燕落紅泥打斜簪髮犀○隣家癡姊妹笑語撩人淚供得一瓏花
低頭呆看他

其三

春風帶你傳花信情癡那及寒
粒問佯恨菱郎肩客紅三日天○餘娘真个會不放人閑睡睡到日西
非牡丹斜一枝

桃源憶故人 春怨

軟紅骨節支春工輕薄桃花妝就前度清明今又人
去來難勾○有人硬伊心否玉也爲伊磨瘦燕子呢
喃時候似把無情咒

荇落魄 感舊

當年落魄江村聽盡荒雞惡五更茅店霜華薄病馬
凌寒夢到麒麟閣○江南舊路都行錯黃庭一卷閑
臨學神仙傳裏真堪託劒佩蒼龍習氣難除却

虞美人 禮佛

秋闌鸚鵡閑相殢念出彌陀字雙行纏屏梵王前但
見水沉香嫩博山煙○餅留第一泉來供花散黃梅
凍他生若得在西天願與蕭郎做个並頭蓮

其二 晝夢

約桃幾點紅如酒凭着雕闌久嬌波半合午歸房白
笑無端感亂鬢邊風○夢中伊對雙鬟笑從不防他
醒時不比夢時真急喚雙鬟跪倒問來因

好事近 竹溪寒汎

一棹夕陽天招取水雲同宿壓過短橋衰柳雪顏花

成六〇所將濕葦着紅罇杯寫三蕉綠搖碎所永
去有漁蓑相逐

鵲橋仙

感居

名姬駿馬劍花書簾都交付芭蕉聲裏靠門一帶蔚
藍天眼飽盡江東煙水〇兩頓紅粳一床蘆絮家近
鷗波亭子園中教我覓封侯笑謝曰卿其休矣

望江南三調

陶居

梅窻冷玉藥放憨初識個尋花園吏夢可憐迴雪洛
神書吾自愛吾廬

其二

桐陰下鶯語碧嬋娟
小雨廉纖染似醉
軟風繚繞柳
無眠多謝養花天

其三

簾不捲放脚睡鄉深
幾載覲酸紅杏眼
有誰閑領碧
蘭心明月是知音

減字木蘭花

對鏡

畫他不得秋水一泓
偷印出一樣盈盈
只少嬌嬌怯怯
綠○荷投白照分明
露下花含笑
半帶朝酺私情

潘娥正玉簪

其二

誰能消受恰帶三分紅杏瘦似笑還顰對面元非兩
個人○檀郎酒記要數佳人他第二除我除他此外
如何見得些

其三

蕩漿

吳菱將老拾翠相邀湖潏好小撥迴塘冷碧濺裙玉
汗香○綠蒲深處笑趁雙鴛同住住見有人來故意
蘭橈攏不開

踏莎行

訴秋

七夕慳過中秋到快翦雲蕉葉留殘黛蓮房粉老盡
舩乾斷紅流處谿無賴○露泣雞冠煙銷書帶誰家
曉角高樓外舊時紈扇撲流螢但教點破無情派

其二 春望

睡足三分聽闌百舌白雲砑做楊花雪藕絲衫子扣
鶯鶯因將半面教人瞥○且上晴樓繡幃低揭花泥
馬汗香街血東風肯替美人忙隔江吹向劉郎誤

桃源憶故人

采桑

一庭麥雨薔薇亞，穠綠描成新夏。蠶市今番來也，剛值開園罷。○碧雲叢裏紅衫卸，錯認海棠花。謝剪得半筐歸舍，釵挂桑枝下。

其二 闌草

秋千架閣檀槽亞，百寶欄邊尋耍。生被香蕪撩惹，睹個輸贏者。○爭多說少，渾閑話，鬧過殘春聊且捨。得別人盈把，翻要將郎打。

虞美人

聯水

不曾認得春江水，自道嬌無比。照來試問妾如何，但

覺澄波爲眼眼爲波○晴濤微颭銀鸞曲看殺心難
足君情倘得似春流也有玉奴眉眼在心頭

○ 搗練子

吹簫

聽如訴晚涼盈廿四橋頭月倍明壓倒嫦娥何處也
水晶宮裏碧無聲

其二

搗衣

紅袖卷月橫勾石當窗機笑女牛傳得玉關魂一縷
杵腰細似楚宮秋

○ 浣溪紗

課花

一暹紅芳滲碧紗夢中不肯放春華數行勾欄淺深
樓○限定侍兒澆夕露更央蜂蜜採隣家嫩香多處
好留他

醉公子

除夜

守得伊先寢商量明日怎栢子紫花新小姑專學人
○雲地今年舊五更三點漏一見一回鮮何妨又一
年

眼兒眉

雨中新柳

漠漠纖腰裊初春瘦綠洗輕雲玉人病後雙鬟扶起

眉角低顰。舞風無力如嫌重。濕燕怯。藏身武昌門外。將攀還忍暗拂漁津。

少年遊

本意

香趁金丸嬌打花。碎五陵秋粉面。曉人。驪鞭問。酒穿過段橋頭。喚回蘇小同船去。低柳臥蘋洲。月。嫩湖嬌。笙殘鐘闌火。背紅樓。

疎簾澹月

山居爲仲弓作

貪奇捏怪記薄倖。名傳醉侯。曾拜香老春蕪。償儘迷。樓花債。回頭月落流鶯外。舉負殺遠山。嶺黛一箇浪。

碧盤與十里明朝難待○儂自有鹿車同載
風江梅宛在玉欄多情蕙草也成雙帶墨研香
絲界奇絕處夏雲初賽枕中鷺覺松風夢好挂
瓢人再

驀山溪

田家樂

天斜嚮杏蒲綠渾如草麥浪疊青青正楊柳貪眠未
覺漁童矮笛吹出牛村花雲千頃一鉤餘無酒聽黃
鳥○畫眉小婦攜饅低低笑未老嫩晴天來日怕清
明雨判春過一半不用隔宵愁我背癢待誰搔且倩